



DOS PERSONA HERIDA DEN CANDELA DI CAS

MINISTER GLENBERT
CROES A CONFIRMA:
**GABINETE WEVER
CROES NO TA BALORA
“HENDENAN BIEU”**

**SIN RIJKSWET
ARUBA TIN CU
PAGA UN BIYON PA
OCTOBER VENIDERO**

**DETENCION PA
DESAPARICION DI
VENEZOLANO CU A TRATA
DI BOLBE ARUBA ILEGAL
PAGANDO 2500 DOLLAR**



Cuminsando cu 4 florin, bo por gana e suma grandi aki

Afl. **1.425.000,-**

Obtenibel na cualkier rebendedo di Lotto.

sorteo ta awe 7:45 pm



Beneficio di impuesto atractivo cu
Guardian Group su **Plan Personal di
Pensioen** pa Empresario.

Click here! 



Stop Searching for Content!

Find and access content based on *what it is*, not where it is saved



M-Files®

Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more

VCC
International NV

Tel. 583-7072 | info@vcc-int.com | www.vcc-int.com

Minister Glenbert Croes a confirma:

Gabinete Wever Croes no ta balora “hendenan bieu”

Durante di reunion di Parlamento dialuna ultimo, gabinete Wever Croes II, den persona di Minister Glenbert Croes, a practicamente confirma cu e actual gobierno di MEP-RAIZ, no ta balora y no ta sirbi interes di pensionadonan, of manera Minister Glenbert a declara hendenan bieu.

Tratando di muestra interesante politicamente, kisas e mandatario no a paga tino kico e tabata bisando den un atake personal riba lider di fraccion di AVP, sr Mike Eman durante di e reunion riba pobresa aki na Aruba.

En realidad a spera mucho mas for di gobierno, den su reaccion contra di tur loke lider di fraccion di Mike Eman a trece dilanti y otro miembronan di e fraccion berde pero en realidad e reunion a caba den oranan laat di anochi y pueblo no a haya ningun tipo di speransa cu gabinete Wever Croes lo haci algo pa alivia e situacion penoso cu pueblo ta bibando. Dado momento cu henter e gabinete haciendo nan mes ridiculo, Minister Glenbert Croes a hiba palabra y el a duna un mensahe cla pa tur pensionado y hendenan di edad halto, practicamente informando nan tur cu nan tempo a pasa.

Minister Croes no a bisa esaki directamente pero na momento cu el a bisa Mike Eman di AVP cu su tempo a yega, cu t a miho e retira ya cu el a bira bieu, e expresion aki a conta pa tur hende riba di 60 aña. Pa colmo e mandatario mes a splica cu “ya bo tin 61 aña” ta tempo bo retira, confirmando asina cu tur hende cu yega 60 aña, ya no ta conta den bista di su gobierno y cu nan tin retira y keda cas.

Ta interesante pa muestra cu Glenbert Croes a haci dia 5 di Juli di 1966 pues e aña aki lo cumpli 57n aña y segun su

concepto, pa e fecha cu proximo eleccion ta stipula na 2025, Glenbert no por participa mas ya cu e tambe lo a bira bieu. Un hecho hopi controversial den e declaracion di Glenbert contra di e lider di AVP ta a hecho cu su persona ta haya un hende di 60 aña un hende bieu cu no por haci nada bon mas, ta su persona y su gobierno cu a aumenta edad di pensioen te cu 65 aña.

Tur esaki despues cu Glenbert mes a sigura pueblo den proceso electoral di 2017, cu su persona hunto cu gobierno di MEP, lo baha edad di pensioen bek for di 62 pa 60 aña pero nan a haci net lo contrario, aumentando edad di pensioen te cu 65 aña.

Cu otro palabra pensionadonan NO ta conta pa e gobierno aki di Glenbert Croes, ya cu nan ta hendenan bieu cu no por traha mas, segun e splicacion cu el a duna na lider di AVP, Mike Eman den Parlamento.

E forma di procede contra di sr Eman, a ser considera como un falta di respet y reconocimiento pa un rival politico, un ex Prome Minister di pais Aruba ya cu na 2011, ta Mike Eman como Minister Presidente a duna Glenbert Croes un contract na un departamento di gobierno, pa asina e haya un entrada despues cu el a wordo persigui pa partido MEP.

Glenbert a pasa un periodo ta bende banana y otro berdura dilanti di Centro Deportivo Betico Croes na Sta Cruz, te ora cu Mike Eman a tene compasion cu su persona y a dun’e un trabou pa e por pone cuminda riba mes pa su famia.

Un situacion cu ta pone hende corda Cecil Grovell, gran cantante local kende a yega di traha un cancion cu ta bisa lo siguiente: “burico ta come yerba y lubida kende a dune!”

Sin Rijkswet Aruba tin cu paga un biyon pa October venidero

Secretario di Estado Alexandra van Huffelen a informa Tweede Kamer cu ainda Parlamento di Aruba no tin consenso pa loke ta e concepto di Rijkswet cu a wordo entrega na parlamento di Aruba for di luna di Februari di 2022.

Cu consenso of no, ayera a ser muestra cu ta un “feit” cu si gabinete Wever Croes no logra di pasa e ley menciona den Parlamento, e ora Aruba tin cu paga e suma di 1 biyon florin cu Hulanda a duna e isla como prestamo durante di e

pandemia di covid.

Tweede Kamer tambe a puntra van Huffelen riba e hecho cu Prome Minister di Aruba, Evelyn Wever Croes algun siman atras lo a declara cu tin un acuerdo cu Hulanda pa loke ta refinanciamiento di e debe aki pero ayera van Huffelen a sigura Tweede Kamer cu e declaracion aki di Evelyn tabata prematuro.

Pues no tin acuerdo cu Hulanda riba e debe di un biyon florin caminda si gabinete Wever Croes II no logra di aproba e Rijkswet den Parlamento, e refinanciamiento lo no tuma luga y Aruba lo tin cu paga e suma aki pa di a 10 di October venidero, pues aki 6 luna.

Van Huffelen a muestra si cu tin deliberacionnan tumando luga riba un ahustacion di e prome concepto cu Hulanda a manda pa Parlamento di e Rijkswet pero e mandatario no por a informa Tweede Kamer riba kico esakinan ta.

Detencion pa desaparicion di Venezolano cu a trata di bolbe Aruba ilegal pagando 2500 dollar

Pa e caso di e Tachirenses Leidy Yohana Salazar Lorza, di 40 años di edad, funcionarianan di Cuerpo de Investigaciones Científicas, Penales y Criminalísticas (CICPC) Delegación Punto Fijo a detene cinco homber relaciona cu su desaparición. No solamente tal kere cu lo bay tin mas detencion, pero tal sospecha localnan envolvi tambe den e lucrativo negoshi aki di contrabando di hende. E detencion aki a tuma luga den sector Banco Obrero di barío di Carirubana di estado Falcon.

E hecho aki a tuma luga dia 23 di maart, ya cu esey ta e fecha riba cual famia a haci denuncia di su desaparicion / secuestro.

Famia a conta cu e señora, kende tin famia na Aruba, a sali di forma ilegal den boto for di Puerto Escondido, Falcon, Venezuela, den oranan di marduga. Den e boto, segun famia a bisa, tabatin en total 7 persona, kendenan a paga nan biahe. Pero cu a haya problema na yegada pa motibo cu Kustwacht a detecta e boto yegando.

Tristo den e historia aki ta cu a pone e hendenan aki bula na awa na un distancia di 1.4 kilometer for di costa. Y cu e informacion cu nan a haya ta cu seis a yega tera y nan familiar ta desapareci.

Polis di Venezuela a cuminsa cu un investigacion riguroso y bingo. A detene e siman aki un total di cinco homber sospecha di ta responsabel pa desaparicion di Leidy Yohana Salazar de Moreno.

A cuminsa yega na contacto, entrevista, analisis di telefon y for di akinan a logra identifica y detene e responsabelnan di e desaparicion di e victima Salazar. Te na e momento aki tin cinco persona deteni, kendenan ta Edirso Segundo Colina Rodríguez (42 años), cu dos registro di contrabando riba su nomber, José David Colina Borges (25 años), José Daniel Colina Borges (25 años), Alcides Rafael Lugo Martínez (24 años) y Eudomar José Arias Guanipa (30 años).

E banda aki a ofrece e victima transport'e den un lancha for di sector Puerto Escondido Falcon pa Aruba. E transporte lo mester a yega te lama grandi pero na momento cu nan a topa cu Kustwacht, a dicidi di pasa e clientenan (biaheronan) pa un otro boto cu ainda no a identifica. E boto aki lo ta procedente di Aruba. Ta trata di dos grupo cu ta traha estrechamento cu otro.

Den e articulo ta menciona e nomber di e Arubiano como Reangelo Stamper, kende ta conoci cerca autoridadnan Venezolano. Hunto cune ta menciona tambe José Luis Núñez (46 años), miho conoci como 'Fiqui', cu tambe tin un record criminal. Reangelo Stamper algun años atras hunto cu algun amigo a subi un boto pa busca un amigo di nan cu a perde,



esta Pau Martijn. Den e caso ey tambe tabatin mencion di cosnan straño cu a sosode. Hecho ta cu Stamper y amigonan a core Sali riba nan mes, y a yega un area robes y a wordo deteni door di autoridadnan di Venezuela.

Pa loke ta Leidy ainda no tin informacion si e ta na bida of no.

Pa cu e caso a confisca e boto Mis Nietos, un motor di boto, un celular, cu ta pertenece na Edirson Segundo, kende ta doño di e peñero.

E famia anteriormente a declara cu e señora aki a wordo deporta for di Aruba algun luna atras. Pero a dicidi di bay Parguana pa trata di bolbe Aruba y topa cu su famia cu a keda atras.

Despues di desaparicion di Leidy y e denuncia, autoridadnan a cuminsa sigui tur pista y a detene Edirso Segundo, di 42 años di edad, kende ta conoci pa haci contrabando. Despues a bini e otro detencionnan.

E famia a menciona cu a sali 6'or di mainta for di Venezuela y pa 8.30 a pasa e pasaheronan pa un otro boto. El a biaha cu salvavida, su celular lora den un saco di plastico, un saco di remedi y un cartera cu su documentonan.

E motibo cu Leidy a insisti pa bolbe y paga 2500 dollar pa e biahe aki ta debi cu e tin famia na Aruba.

Opinion

Mi retiro como candidato di AVP



Cu hopi duele y tristesa na mi curason pero cu un conviccion fuerte pa e decision tuma, mi ta anuncia cu mi a entrega mi retiro como candidato for di Partido AVP na lider di partido, sr. Mike Eman.

E rason di mi retiro ta serio pero simpel pa compronde: mi a realisa cu mi no ta comparti e vision di partido y ta sinti cu ken mi ta - esta un persona profesional, critico pero vooral di principio - no ta pas den e constelacion actual di partido.

Den palabra di mi difunto mama, mi semper tawata AVP pero “by choice, not by chance”. Y esey tawata pasobra mi semper a kere den e ideologia di partido, e base fundamental cu a uni nos. AVP ta e partido di solucion y esun cu e vision progresivo pa futuro, e partido di personanan cualifica, profesional y cu un amor pa nos pais. Den e antesala pa eleccion 2021, prome cu gobierno a cai mes, AVP a involvi candidatonan, candidatonan potencial, activista y dirigentenan di bario den combersacionnan pa fiha un futuro pa partido. Den esaki nos tur a carga e vision e.o pa renobacion di partido, pa presenta nos mes como e unico opcion pa trece prosperidad bek na nos pueblo, pa atrae young professionals cu gana pa sirbi Aruba. Mi a contesta e yamada aki y a acepta e reto cu speransa di por contribui positivamente na desaroyo y cambio real pa Aruba, pero tambe pa Partido, cu un vision nobo, un biento fresco pero cu sosten di e hala di experiencia. Esaki tawata mi expectativa.

Partidonan, y AVP no ta excepcion, ta pasa den periodonan di gloria y periodonan di reto. Normalmente hunto nos ta yega na solucion tanten tur hende ta actua di buena fe, respeta otro y primordialmente, papia berdad. Locual a transcuri durante e ultimo simannan, sinembargo, particularmente e conflicto publico entre coleganan di partido sr. R. Santos do Nascimento y sra. G. Croes na un banda y sr. M. de Meza na e otro y tambe e consecucionnan pa partido relaciona cu e decision di hues pa e caso di sr. B. Sevinger, lamentablemente a causa un realisacion cu locual ami ta kere aden y para pe no ta aligna cu Partido. E diferencia den pensamiento ta demasiado grandi y pa cual mi no por ofrece defensa.

Den un publicacion relaciona cu e renuncia di un minister di Barbados, Barbados Free Press (BFP) a declara (2007), y mi ta traduci:

“Ora un figura di liderazgo of un persona den un posicion di confiansa ta wordo gara den un malhecho of e percepcion di un malhecho potencial, ta necesario pa e persona retira di su posicion pa evita dña e imagen y integridad di e organisacion.”

E dos rapportnan devastador di CAD encuanto e acuerdo entre ex-minister Briesen y Tofanelli, e consejo positivo di un hurista di casacion pa continua cu e caso contra Briesen y e contract entre Gobierno di Aruba (de Meza) y Briesen pa libr’e di tur persecucion den futuro, tur esaki ta un malhecho den dia cla. No divulga e documentonan aki na bo coleganan den parlamento ta haci e malhecho mas grave ainda. Y pa net e coleganan wordo demonisa den nan mesun partido pasobra nan

a wordo gaña ta manera culpa e victima y eleva e agresor.

Ta conoci cu Sevinger tin dos decision di culpabilidad di hues. E hecho cu e caso a inicia cu un persecucion politico no ta e punto pasobra, asina mes, toch hues a constata dos acto condenabel. Ta posibel cu despues di apela e decision di hues, e wordo libra di culpabilidad. Esaki no ta kita afo cu awo, na e momento aki, e ta culpabel den wowo di ley. Y pa e periodo cu su caso ta pendiente, esaki no ta cambia. E hecho aki lo continua haci dño na e credibilidad y reputacion di partido y tur cu ta asocia na dje.

BPF ta continua:

“Sin e paso aki [di retira], sea temporario te ora e situacion drecha of permanentemente si mester, confiansa publico den gobierno ta cay. Pio ainda, incidentenan di malhecho cu ta ripiti cu no ta produci un spli-cacion aceptabel of un investigacion transparente ta crea un cinismo peligroso. No duda! Un gobierno cu ta nenga di seriamente reconoce y atende cu malhecho veridico of malhecho potencial of conflicto di interes door di su miembronan, ta haci dño no solamente na su mes. E ta causa dño na e propio caracter di e nacion...”

Acepta, tapa, sconde y no reconoce ora algo ta inaceptabel of incorrecto ta fomenta e dño di e caracter di nos pais. Personanan den posicion ta carga un responsabilidad mas grandi pa para riba nan orguyo. Nan mester pensa riba e Pueblo y ki dño e desconfiansa den e organisacion cu nan ta representa por crea di un malhecho mes of e percepcion di un malhecho. E idea cu partido mester tin lealtad na cualke individuo no ta sostenibel; lealtad mester ta pa pueblo.

Ta incorrecto pa para banda di esun cu a libra un politico di a comete un acto contra ley di compatibilidad y keda keto riba su rol den libr’e pa despues pueblo tin cu carga cu e gasto. Of den e otro caso hasta celebra cu no ta tur 6 acusacion sino dos “so” a haya culpabilidad. Similar, no tin diferencia di culpabilidad si bo horta 100 florin of 20 florin. No atende debidamente cu ta compromete e credibilidad di e organisacion, ta mancha tur esnan cu ta parti di dje, ta descurasha otro profesionalnan cu aspiracion pa drenta politica y ta manda un señal robes pa pueblo.

Pueblo ta continuamente sclama pa un politica nobo, un politica limpi, un politica cu no ta den beneficio propio sino den beneficio di tur. Pa logra e meta aki mester evita e minimo apariencia di malhecho of conflicto di interes. Un politica nobo ta rekeri pa nos tur kita e bril partidario y wak hecho y duna credito of critica ora esaki ta mereci, ken cu e por ta, y mas ainda ora ta trata esnan den nos mesun circulo. Ora e control interno faya, e impresion publico di politica y di e politico ta sufri un kiebro irreparable. E forma di politica mester experiencia un cambio.

Na tur mi votadornan durante eleccion 2021: un danki atrobe; e honor ta di mi pa a ricibi boso confiansa y sosten di voto. Mientrastanto mi lo sigui sirbi pueblo den mi funcion diario y via organisacionnan cu mi ta forma parti di dje.

Muzaninn Wever

Dos persona herida den candela di cas

Homber(63) gravemente transporta pa Hospital

Diamars den careda di 12'or y mey di merdia unidadnan di brandweer a sali direccion Koningstraat pa un cas na candela. E unidad yegando prome tawata mira e huma grandi di e candela, indicando cu cos ta serio y mester actua di biaha debi cu tin casnan pega cu otro.

Na yegada; bombero ta pidi ambulance cu urgencia debi cu tin hende cu a sufri kemaduranan serio.

E candela tawata den un cas, den un hanchi smal di Koningstraat. Unidadnan policial a yega y mesora tambe a cuminsa yuda unda cu por y desvia trafico. Momento cu e candela a cuminsa tawata tin 3 persona den e cas, di cual dos a resulta herida.

Un di nan cu ta un cabayero(63) a resulta gravemente herida y na yegada di Ambulance e Paramediconan a opta pa sali cu ne mesora pa Hospital mirando su situacion.

E otro persona tambe a ricibi asistencia di Paramediconan, pero no tawata asina serio manera e homber di edad. Instancianan concerni manera recherche y tambe departamento tecnico di polis a presenta pa asina start un investigacion na e origen di e candela aki, cu por a bira uno devastador si brandweer no a tarda.

Un bon trabou di parti nos bomberonan cu den algun minuut a yega e sitio y mesora a drenta accion dominando esaki.



Pabien!
Rey Willem-Alexander

FELIZ DIA DI REY



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Minister Dangui Oduber Cuenta anual di ata 2022 ta surpasa tur expectativa!

Un año grandi pa Aruba su turismo

Diamars Minister di Turismo y Salud Publico sr. Dangui Oduber a ricibi e cuenta anual 2022 for di Aruba Tourism Authority (ATA). Esaki a wordo entrega por medio di nan CEO sra. Ronella Croes conhuntamente cu e hunta di supervision. Minister Oduber a menciona cu e ta satisfecho cu e resultado y prestacion di ATA den año 2022. Danki pa cumpli cu proceduranan legal y entrega e cuenta anual den e tempo stipula pa ley.

Minister Oduber a sigui bisa cu año 2022 tabata un año hopi fuerte pa Aruba su turismo. Aruba a conoce un recuperacion di su turismo di casi 100% por ciento di su turismo stayover den comparacion cu año 2019. Por a nota esaki den e cantidad di turistanan stayover cu ta bishita nos isla, tambe por a nota esaki den e prestacion di e hotelnan, manera na e average daily rate y tambe den e RevPar cu tawata mas halto den nan historia.

Año 2022 tabata un año excelente pa turismo y esaki bo por wak e bek den e entradanan di



Gobierno door di e crecimiento economico y den e tourism receipt publica pa Banco Central. E tourism receipt ta un indicador hopi importante cu ta midi e calidad di turistanan cu ta yega Aruba. Den año 2022 maske cu a ricibi menos turista stayover cu na año 2019, tog e tourism receipt a crece cu 118% na casi 4 biyon florin (e cantidad di placa cu turistanan ta laga atras den bo economia).

Esaki ta sigur un tremendo resultado di ATA cu gobierno di Aruba tambe ta haya un pida di e bolo. E plan di mercadeo di ATA ta dunando un excelente resultado. E campaña nobo di mercadeo ta titula "The Aruba Effect" y ta enfoca pa e turista no bin Aruba solamente pa nos clima y pa nos playanan pero pa un experiencia total. Uzando tur e atraccionnan nobo y inversionnan cu a keda haci pa mehora producto Aruba conforme e maneho di Ministerio di Turismo.

Minister Oduber a indica su maneho di turismo ta dirigi na trece turismo di calidad, e turista afluente cu tin un entrada di mas di 150 mil dollar pa año. Ta sigui enfoca den diversificacion di nos turismo. Keda haci inversionnan continuo den producto Aruba. Keda enfoca den e strategianan nobo di mercadeo pa asina nos keda mas competitivo.

E mandatario por mira bek riba un año 2022 sumamente exitoso ATA. Minister Oduber ta gradici e management di ATA pa e bunita resultado aki. Tambe ta felicita e hunta di supervision di ATA pa e bon cooperacion y supervision cu nan ta haci pa asina e fondonan di ATA wordo maneha na un miho forma. Sigur palabranan di gratitud grandi pa tur departamento di gobierno pa esfuersonan pa atende turistanan y tambe tur esnan cu ta labora tur dia den e industria aki. Nos hendenan ta e asset di mas grandi cu nos tin!

Ta existi un bon sinergia entre ATA y Ministerio di Turismo, pa asina ATA ehecuta e maneho di Ministerio di Turismo conforme e ley di ATA. Danki na e bon cooperacion aki Aruba tin un año grandi na 2022 y cu hopi anticipacion pa año 2023 cu ya den e prome kwartaal ta superando cifranan di año 2023.



Peticion pa aprobacion di un plan di parcelacion na Savaneta conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambionan

por wordo hasi na e parcelacion, durante un luna desde dia **26 april 2023** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.

Rapport Anual di A.T.A. pa 2022 a demostra un recuperacion turistico hopi mas fuerte cu a premira ora a crea e presupuesto di 2022

Diamars dia 25 di april, 2023 a tuma luga e entrega oficial di e Rapport Anual pa aña 2022 na Minister di Turismo. Conforme e ley di A.T.A., tur aña tin 2 momento importante, e prome ta ora di entrega e Rapport Anual cu e resultadonan di e aña anterior y e di dos ta ora di haci entrega di e presupuesto pa e aña siguiente. Tur aña A.T.A. a sa di cumpli debidamente cu entrega di e Rapport Anual, incluyendo resumen di resultadonan y di trabao haci, como tambe e relato financiero cu su respectivo 'goedkeurende verklaring.'

Despues cu minister ricibi y acorda esaki, e rapport ta wordo manda pa parlamento di Aruba 'ter inzage' pa 10 dia di trabao. Despues di pone disponibel na parlamento, Minister di Turismo por duna su aprobacion formal pa cu e Rapport Anual di A.T.A.

Presupuesto 2022 y resultado 2022

E presupuesto pa 2022 a wordo entrega na october 2021, na momento cu ainda no tawata tin hopi claridad con e recuperacion turistico lo tawata pa 2022.

Mirando bek mester bisa cu e recuperacion ta sumamente satisfactorio; a recupera casi completo qua cantidad di bishitante, y mas importante ainda ta cu e entrada genera pa turismo tawata hopi mas cu na 2019.

A.T.A. a pone como meta pa yega recuperacion di 95% pa e ultimo indicador aki den 2022 y a logra yega un recuperacion di 118% den Tourism Receipts na 2022 compara cu 2019.

{Cont. pag. 8}





EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIDAG 2 JUNI 2023 om 10:00 uur 's-morgens** bij de **Kamer van Koophandel** (Auditorium) aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. **SALINJA CERCA 15-E**

een woonhuis met appartementen staande op het recht van erfpacht tot 23 februari 2055 op een perceel domeingrond groot 954 m2 gelegen te Salinja Cerca in Aruba, kadastraal bekend als Tweede Afdeling Sectie C nummer 1013.

richtprijs: **Afl. 785.000,--**

2. **KATUNASTRAAT 21-E**

een woonhuis staande op het recht van erfpacht tot 8 juli 2046 op een perceel domeingrond groot 795 m2 gelegen aan de Katunastraat in Aruba, kadastraal bekend als Eerste Afdeling Sectie P nummer 1911.

richtprijs: **Afl. 277.000,--**

3. **HOOIBERG 92-U**

een woonhuis met appartementen staande op een perceel eigendomsrond gelegen te Hooiberg in Aruba, groot ca. 806 m2, welk perceel afkomstig is van het perceel kadastraal bekend als Eerste Afdeling Sectie R nummer 3411 index D 14634.

richtprijs: **Afl. 465.000,--**

- Een onherroepelijk en onvoorwaardelijk onderhands bod kan worden uitgebracht tot en met uiterlijk donderdag 17 mei 2023 ten kantore van NewLeaf Notary of via email auction@newleafaruba.com. Het biedingsformulier is zowel op het kantoor van NewLeaf Notary alsmede op de website www.newleafaruba.com verkrijgbaar.
- Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

{Cont. di pag.7}

Considerando e diferente retonan den e prome kwartaal di 2022, toch e mercado di Estados Unidos a logra crece su capacidad di asiento, yegando na un recuperacion completo compara cu 2019. Pa loke ta e industria crucero a tarda mas pa recupera, yegando na 73% di recuperacion compara cu 2019 den 2022.

PA loke ta e aspecto financiero, e entrada di A.T.A. tabata 16% mas compara cu locual a presupuesta, mientras cu a gasta 17% menos di locual a presupuesta entre otro pasobra a pone un pausa riba diferente actividadnan durante e prome kwartaal di 2022, unda cu Omicron a afecta biahe.

Enfoke riba balans

Como parti di e recuperacion di 2022 a sigui enfoca esfuersonan riba e futuro di Aruba como destinacion, pa sigura un crecimiento balanza y sostenible den e añanan nos dilanti. Esaki sigur ta un tarea cu por ta dificil, pero e ta un prioridad pa A.T.A., tanto riba nivel di "advocacy" como riba nivel di inversion. A.T.A. ta enfoca riba 'duna di su banda' pa Aruba por desaroya na un manera duradero.

Reforma fiscal 2022

Aruba a introduci un reforma fiscal entrante e aña aki, y pa medio di esaki e.o., e costo di haci negoshi pa a aumenta pa medio di un aumento di BBO. Pero pa A.T.A. e reforma kiermen tambe cu a habri aña cu un porcion di e toeristenheffing di 7.1% na luga di 9.5%, mientras cu e toeristenheffing a subi di 9.5% pa 12.5%.

Den bista di e porcion mas abou cu A.T.A. ta ricibi, A.T.A. a prepara diferente amienda di e ley di A.T.A. cu ta importante pa mitiga risico di e cambio aki di e modelo di A.T.A. cu por haci e operacion di A.T.A. uno menos efectivo. E amienda a wordo entrega na Minister di Turismo. Despues di un aña fuerte y prome kwartaal di 2023 fuerte, mester sigui monitorea awor cu situacion lo por ta normalizando.

E ekipo completo di A.T.A. ta wordo felicita pa nan trabao y pa e logro aki di por entrega un biaha mas un rapport cu un 'goedkeurende verklaring'. Tambe ta gradici Hunta di Supervision, Grant Thornton y mas cu claro ta gradici Minister di Turismo pa e diligencia necesario cu lo ser duna na revision y aprobacion di e documento aki.

Auto Bus involvi: Tres persona herida den accidente ariba Avenida Milo Croes

Dialuna anochi algo prome cu 8:30 polis y varios ambulance a bay crusada di Avenida Milo Croes cu Stadionweg pa un accidente cu varios herido. Na yegada di polis di trafico e ta topa un Auto Bus y un Toyota Corolla. E auto

bus tawata carga cu pasahero, unda e ta hay'e den un boksmento momento cu un Toyota Corolla ta yega subi e crusada.

Ariba caminda por a mira un lastro di brake di parti e auto bus. E impacto a manda e Corolla peg'e contra e muraya di e negoshi eybanda. Na stuur tawata un dama cu a resulta herida, cu golpi den barica. Tres ambulance a presenta; unda cu e Paramediconan a controla un total di 6 persona. Na final 3 persona mester a bay Hospital pa mas trata-



mento, entre nan e dama chauffeur di e Corolla.

Takelwagen mester a presenta pa bay cu e vehiculonan. Basta pieza di auto a keda gespart ariba tanto acera y ariba caminda.



Happy
KING'S DAY
Opening Hours

Wednesday	26 April	Normal Hours
Thursday	27 April	9AM - 1PM (Shaba)
Friday	28 April	Normal Hours

*En connexion cu Dia di Rey, Do it Center Camacuri y Do it Center Savaneta lo ta cera dia 27 di april 2023.

SUPER
Do it Center

Do it Center
Camacuri

Do it Center
Savaneta

Premier Evelyn Wever - Croes: Pueblo kier sa opinion di oposicion riba e sentencia di Benny Sevinger

Parlamento mester pone presion riba oposicion

Dialuna den Parlamento, Prome Minister Evelyn Wever - Croes a dirigi palabra na tur miembro di Parlamento cu ainda no a duna nan opinion riba e hecho cu Parlamentario Benny Sevinger a wordo sentencia pa corrupcion. Prome Minister a bisa nan cu pueblo merece sa kico nan ta pensa tocante e sentencia.

Desde e sentencia di Corte di Husticia den e caso Avestruz, a tuma nota di diferente expresion particularmente di sostenedonan di oposicion. Algo cu ta resalta ta expresionnan unda cu ta purba minimalisa e hecho cu Parlamentario Sevinger a sali culpabel pa comete corrupcion.



Prome Minister a bisa: 'Bo no por bisa cu Benny Sevinger ta un tiki ladron of un tiki corrupto, paso esey ta haci cu bo ta mes of mas ladron cu ne'.

Lamentablemente practicanan robes ta sigui tuma luga den e partido. A yega na conocimiento di Prome Minister di paden di AVP, cu Parlamentario Mike Eman ta cobra un toelage como 'fractie leider' pero no ta traha como fractie leider. Pa cual Prome Minister a expresa cu cualkier persona cu ta haya un toelage of un pago cu e no merece, mester wordo atendi cu ne y kita esaki for di dje.

Esaki ta e momento pa demas Parlamentarionan entre otro Miguel Mansur, Marisol Lopez - Tromp, Aquanette Gunn, y Mervin Wyatt Ras, cuminsa expresa nan mes y duna nan opinion pa pueblo haya sa kico nan ta pensa di e veredicto di Sevinger.

Rycond Santos do Nascimento, Gerlien Croes y miembronan di coalicion a duna nan opinion caba, pero e demas tambe mester duna nan opinion.

Finalmente Prome Minister Wever - Croes a enfatisa cu pueblo di Aruba merece scucha opinion di representantenan di pueblo riba e tema importante aki. 'Si e nan no sali duna opinion, ta paso nan ta mes of mas corrupto y ladron cu Benny Sevinger.



Feliz Cumpleaños

na su alteza real, Rey Willem Alexander.

Feliz dia di rey na tur cu ta biba
den Reino Hulandes.



Peticion pa aprobacion di un plan di parcelacion na Sabania Abao conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu

cambianan por wordo hasi na e parcelacion, durante un luna desde dia **26 april 2023** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.

MEP:

Parlamentario Dowers ta chercha di secretario di estado

Recientemente miembro di Parlamento Arthur Dowers (AVP) a haci comentarionan denigrante di Secretario di Estado Alexander van Huffelen, a haci chercha y a ofende referiendo na dje como van Knuffelen.

Dialuna durante un debate publico tocante e aumento di costo di bida, e miembro di Parlamento Arthur Dowers a haci comentarionan di mal gusto y cu falta di respet na Secretario di Estado van Huffelen.

E miembro di Parlamento Dowers a referi na van KNUFFELEN, como e persona cu kier a impone su boluntad riba Gabinete Wever-Croes.

Prome Minister Evelyn Wever - Croes ta considera e comportacion aki como y respetuoso y tipico di partido AVP. Especialmente despues di cu un miembro di Parlamento Gerlien Croes (AVP) a informa con el a wordo humilia door di e club di "Old Boys" esta: Eman, de Meza, Sevinger, y Dowers, ora cu e y otro candidatonan hoben di e partido kier a trata e violacionnan di integridad di Parlamentario Benny Sevinger cu recientemente a wordo condena pa corrupcion.

Pa finalisa Prome Minister a bisa: "No ta aceptabel cu Arthur Dowers, cu ta considera humilia hende muhe algo normal, haci mescos cu un funcionario Hulandes. No ta importa si e ta di acuerdo of no cu Secretario di Estado, humiliacion no ta aceptabel.

Miembro di Parlamento Dowers mester ofrece su disculpanan", Prome Minister a bisa den Parlamento.



Feliz Dia di Rey y Labor

SVb su orario durante di e dianan di fiesta pa **notifica AO** ta como lo siguiente:



27 april pa 1 mei 2023



Online: **7am - 11am**



527 2782: **7am - 11am**



Peticion pa aprobacion di un plan di parcelacion na Sero Blanco conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia **17 maart 2023** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



SEGURIDAD PA ARUBA SU COMUNIDAD

Drs. Mervin Wyatt-Ras, despues di reunion publico:

Evelyn Wever-Croes ta responsabel pa medida, pobreza, problema social y di salud mental

Dialuna Parlamento di Aruba finalmente a trata e peticion pa un reunion publico cu fraccion di AVP a haci aña pasa; pa ta exacto dia 16 di augustus 2022, pa trata e impacto di aumento drastico di costo di bida. Perdida di poder di compra, riba su mes, no ta un sorpresa, segun Mervin Wyatt-Ras. E ta algo cu tur dia ta nos pueblo ta biba cu ne, esta cu tin menos placa den cartera y no por tira culpa mas riba COVID of guerra na Ucrania.

Aumento di prijs di cuminda y otro articulo di prome necesidad, fuera di e tarifa di awa, coriente, gas y gasolin caminda ta corta meter di awa y coriente di esunnan humilde, mientras cu entrante prome di october tin cu paga pa remedi door di recorte den cuido medico.

Minister President Evelyn Wever-Croes cu sosten di Minister Dangui Oduber a firma e Landenpakket, cual ta encera palabracion cu Hulanda pa tuma medida riba diferente tereno. Introduccion di BTW cu a suspende despues, aumento di BBO te 7%, recorte den cuido medico cu 5.5% mensual for di dokter, especialista y otro dunado di cuido. E ultimo aki tin como consecuencia cu varios especialista ta bandona e isla pa traha na otro pais. A tuma tur medida sin ofrece ningun pakete di asistencia

of vangnet social pa yuda esunnan mas vulnerabel den nos sociedad, specialmente nos grandi y esunnan di entrada mas abou, por ehempel mama soltero. Klassezorg a haci su entrada, loke ta contrario na e mision di AZV pa yuda tur hende igual. Segun gobierno, e ciudadano mester pone placa un banda pa paga pa su remedi. Parlamentario Wyatt-Ras ta puntra ta con por pretende cu esunnan cu no tin ni placa pa alimenta nan mes y nan yiunan bay pone placa un banda pa paga medicina, Wyatt-Ras ta puntra. Mescos a corta den Stichting SABA door di cual nan no por paga nan empleado debidamente. Respaldo, cu awor erroneamente ta cay bou ministerio di husticia, tambe a manda cliente cas, mientras ta conoci cu e cantidad di persona cu tin dificultad mental a aumenta durante ultimo añanan. Di otro banda gobierno ta coopera y corta cinta pa habri practica priva cu ta duna mesun cuido cu hospital pa esunnan cu si por paga pa haya cuido; atrobe contribuyendo na klassezorg. Contrario na e subida di costo di bida y inflacion, e entrada di nos ciudadanonan no a subi. Segun Centraal Bureau Statistiek, e minimo cu mester pa biba a baha drasticamente desde aña 2017. Cifra di CBS di 2022

compara cu december 2017 ta mustra cu e minimo pa un persona pa luna a aumenta cu practicamente 400 Florin desde 2017. E bestaansminimum pa 4 persona, 2 adulto y 2 mucha a aumenta na 2022 cu practicamente 700 florin pa luna desde 2017. Tur esaki ta ocasiona pobreza grandi den nos pais y tin impacto alabes riba problemanan social y tambe riba salud mental di nos ciudadanonan. Por bisa cu costo di bida haltisimo tin su impacto negativo riba poder di compra cu a baha drastico y tambe riba desaroyo social y salud mental di nos pueblo.

Wyatt-Ras a trece dilanti cu un persona cu tin problema financiero tin hopi preocupacion pa su presente, su sobrevivencia y su futuro. Esey ta influencia su balor propio of autoestima, lag'e sinti impotencia y ta trece cu ne depresion of otro condicion psicologico. E por hiba un hende na adiccion of violencia relacional y asina e problemanan ta keda escala. Pa mucha, e ambiente instabil aki por ocasiona cu ta busca distraccion riba caya, cu tur su peliger. Ni sikiera e canchonan pa haci deporte cerca di cas nan por uza paso mayoria e gobierno sin curason aki a laga bay perdi.

27 APRIL 2023

FELIZ DIA DI

Rey

Arugas ta sera dia 27 di april,
Diabierna, 28, nos ta habri di 7am - 4 pm

Arugas

{Cont. pag.13}

{Cont. di pag.12}

Ademas a corta den e cantidad di trahado social cu tabatin na scol pa detecta problema trempa. E 36 miyon cu Parlamento a aproba pa inverti den hubentud a bay den huur di edificionan pa acomoda departamento caminda famia y compinchi ta traha. Mientrastanto gobierno ta sigui tuma medida pa hinca mas den nan cartera y sigui djodjo cu placa di pueblo. Gobierno ta keda cumpra auto di luho, biaha rond mundo. Hasta CAft ta indica cu gobierno ta paga mas y mas pa experto y abogadoan, mientras e homber y muhe humilde tin cu lucha cu un entrada cu no ta yega ni pa come drechi.

Wyatt-Ras a menciona cu den e relato y cuenta anual di AZV ta mira cu, door di adelanto den turismo, tin entrada di 26.7 miyon mas di loke a proyecta. AZV por a haci inversion di 9 miyon riba diferente tereno. Na final di aña tabatin hasta crecimiento extra di entrada di 1.5% di BAZV cu ta paga door di esunnan cu ta traha. P'esey e parlamentario ta puntra dicon no alivia e necesidad di pueblo pa remedi, door di elimina e lista di remedi cu mester paga p'e y ki dia lo paga dokter y especialista completo bek?

Wyatt-Ras kier sa con gobierno con lo yuda y sostene nos pueblo, con nos hendenan cu a perde cas por haya yudansa concreto pa yega bek na nan propio vivienda y unda nan mester bay pa haya e ayudo aki? Ken ta bay yuda nos ciudadano sali di debe? Unda nan por acudi of yama? Con lo mehora entrada di e ciudadano pa por cumpli cu su gastonan? Ki pakete di incentivo lo tin pa nos ciudadano? Ki dia lo elimina e medidanan den cuida; tanto e positieve lijst; como e medida di 5.5 %? Con ta bay atende cu problema di pobresa? Con ta bay baha prijs di producto pa nos ciudadano por cumpra nan comestibel? Kico lo haci pa yuda mayor cu salario minimo paga schoolgeld y airco geld y pa cumpra paña pa bay scol? Con lo atende cu nos grandi, mama soltero y esunnan di salario minimo cu no por paga pa nan medicina? Unda nos ciudadano cu problema psicologico por bay pa haya yudansa? Unda nan por yama y di kico e yudansa aki ta consisti? Ki dia ta duna esunnan cu limitacion bou 16 aña un sosten financiero?

Otro pregunta cu e parlamentario di fraccion di AVP a haci ta con ta bay logra miho tarifa for di hospital di Colombia? Miho proceso di manda pashent exterior manera test y menos largo?

Kico a haci te cu awor pa cumpra remedi na tarifa mas abou? Con a bay cu esaki? Con a bay cu cooperacion entre hospital cu ImSan? Con a bay cu e proceso di ampliacion di eerste lijn zorg y prevencion? Kico a para di acreditacion di ImSan pa introduci turismo medico?

Pueblo kier scucha awor kico gobierno ta bay haci pa mehora entrada di nos ciudadano y no kier storia bunita, asina Wyatt-Ras a sigura. Sinembargo mayoria minister, y specialmente minister presidente, a keda tira culpa riba AVP y riba Mike Eman. Casi por a pensa cu ta AVP ta gobernando. Hecho ta keda cu medida

lo keda asota nos pais y cu e gobierno aki no ta carga responsabilidad y na un manera falso ta keda tira culpa riba otro. Minister bou nivel a keda tira lodo riba miembro di AVP y no kier mira cu ta Evelyn Wever-Croes a core bay Hulanda firma Landspakket y hinca nos pueblo den pobresa cu tur medida descabeya sin kier baha gastonan operacional di gobierno.



Parlamentario mr. drs. Arthur Dowers: Gobierno kier sconde pa su responsabilidad bisando mentira

Den un declaracion duna diamars mainta, parlamentario di AVP, Arthur Dowers a comenta cu lamentablemente e reunion cu su fraccion a pidi ocho luna pasa y finalmente a tuma lugha dialuna ultimo, tabata solamente un oportunidad pa henter e Gabinete Wever-Croes II bin grita y zundra. Ta hopi cla cua ta e wegha cu gobierno ta hunga, esta di para ariba cu ta un favor grandi nan a haci pa pueblo door di baha tres cen for di e tarifa di coriente, mientras cu e realidad ta cu no lo conoce un rebaho mas te na 2027 ora cu WEB a caba di cumpli cu tur su compromiso.

Loke Parlamentario Dowers ta haya hopi lamentabel ta cu e gobierno aki ta purba tira culpa riba tur hende, hasta riba un Spartaco Ghini, cu 30 aña pasa a cuminsa un proyecto di hotel na Aruba, na lugha di asumi nan responsabilidad di pakico prijs di awa y coriente a subi asina drasticamente. Te hasta a tripi di bisa cu e prijs aworaki ta mas barata cu tempo nan a tuma mando. “Bo no por tuma

pueblo haci di e estado akinan,” asina Dowers a expresa.

Realidad di bida ta cu e mandatarionan actual a mete den maneho di WEB Aruba N.V. door di nombra nan famia y compinchi pa maneha e compania y door di a nenga di hedge pa mantene prijs abou ora cu e gerentenan anterior di e compania a conseha nan pa haci esey. Como consecuencia, e compania producto di awa y coriente a perde 111 milyon florin cu awo ta for di pueblo tin cu sac’e bek pasobra ministernan no ta bay busca otro manera. Dowers: “Nos tur tin cu paga pa percura cu e hendenan aki por sigui cu e fiesta cu nan ta haciendo.”

Riba dje e ministernan ta bin parlamento pa gaña e ciudadano y ta p’esey oposicion ta bin dilanti pa bisa e berdad cu ta te na 2027 lo por baha prijs di awa y coriente. “Nan sa masha bon y e informacion cu nos ta haya, nan tambe ta haya. Boso sa masha bon e realidad y e situacion cu a hinca nos aden,” segun Dowers a declara na prensa.

Segun e parlamentario, costo di bida, prijs di awa y coriente tin impacto no solamente riba esun cu ta pag’e, pero e tin impacto tambe indirecto pasobra comerciante tambe tin cu page, kier men e tin cu calcul’e den su prijs. No ta solamente AVP ta keha y pidi pa gobierno pa responsabilisa su mes, pero sindicato y gremio ta kehando y hasta organisacionnan social manera esun di hende grandi ta sali afo y bisa cu loke ta pasando ta inacceptabel e insoportabel pa nos hendenan.

Gobierno a subi tur prijs na pais Aruba y di otro banda ta duna un compensacion di apenas 45 florin na hende grandi pa despues bay eyfo y bati na pecho pretendiendo cu ta gran cos nan a haci. E comerciante ta bisa cu esey no ta berdad y e pensionado mes ta bisa cu e compensacion no ta suficiente.

Esaki ta pone cu mester tuma paso mas drastico, segun e parlamentario, y e paso ey ta pa para e fiesta di friends and family, para e auto caro cu nan ta uza y reduci e cantidad di minister di 8 pa 7 pasobra tin minister aworaki cu tin cartera mas chikito cu di un director di departamento. Esey simplemente no por continua pasobra ta malgasta placa di pueblo. Fuera d esey tin e remedi cu nos grandi mes tin cu paga.

Mirando cu no ta tuma na serio e reunion cu pidi y ta sigui purba gaña pueblo, e unico solucion cu ta resta ta pa pueblo subi caya y exige e reduccion cu e pueblo ta haya cu e merece. Asina, Dowers a finalisa bisando.






WE ARE HIRING

TOP 25 RESORTS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

POSITIONS:

- DIRECTOR OF ENGINEERING
- ENGINEERING SUPERVISOR
- TECHNICIAN
- FRONT OFFICE SUPERVISOR
- CONCIERGE/FRONT DESK AGENT
- HOUSEKEEPING SUPERVISOR
- HOUSEMAN
- SOUS CHEF
- F&B SUPERVISOR
- COOK/COOK HELPER

BENEFITS:

- ATTRACTIVE SALARIES
- BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- INSURANCES (LIFE INSURANCE, VISION & DENTAL, HEALTH DISABILITIES)
- SAVINGS & LOANS PROGRAM
- EMPLOYEE DISCOUNTS

APPLY ONLINE AT WWW.BUCUTI.COM/CAREERS

Bunita pa mira e inspiracion pa bira dokter, nurse, lter y mas

Hopi interes bou hoben pa cera conoci cu e trabou den Hospital di Aruba

Horacio Oduber Hospital (HOH) a tene den fin di siman pa prome bes un open dag pa hobennan cu ta bay scol. Un open dag organisa pa e HOH-Academy unda e obhetivo tabata pa di e forma aki cera e generacion nobo conoci cu HOH y su trabounan y alabes fomenta interes den e hobennan pa sigui nan estudio den e ramo di cuida of un trabou cu ta aporta na cuida medico. Por mira bek riba dos mainta sumamente exitoso y bon bishita pa hoben compaña pa nan mayor super entusiasmo cu e informacion ricibi. Mainta unda profesionalnan di HOH a duna informacion valioso na e hobennan y sigur mirando e exito lo no ta ultimo biaha cu ta y por organisa.

HOH- Academy a cuminsa cu e parti organisatorio algun luna pasa y a extende invitacion na diferente scol secundario pa muchanan cu tin interes pa sigui studia den e ramo di cuida medico registra pa atende e open dag. A sinta cu diferente departamento y asina a logra pone e plan den otro. A traha riba un "tour" den HOH bou guia di e profesionalnan di HOH-Academy y tambe a acerca diferente departamento pa nan traha riba booth di informacion special me bishitan-tenan

Sr. Gregory Croeze, director financiero a expresa su gratitud na e organisadornan cu a hinca cuerpo y alma pa haci e open dag aki uno exitoso, cual sigur no lo ta ultimo biaha. "Hopi bes hende tin e percepcion cu pa bo traha na hospital bo mester ta un nurse specialisa, asistente den camber di operacion of un especialista, pero realidad ta cu mas o menos 50% di e trahadonan di HOH ta den departamentonan cu ta brinda sosten na cuida", asina Croeze ta splica.

Akinan por pensa riba departamento di ICT, Departamento di Recurso Humano, tambe Medisch techniek cu ta encarga pa service aparatonan medico. Hopi importante tambe ta departamento di Voeding hunto cu dietistanan cu a duna splicacion di kico ta e cuminda y alimentacion necesario cu un pashent mester di dje y a haci uzo di e momento pa splica alimentacion en general.

E hoben estudiante, Whitney Nin, tin aspiracion pa bira un neurologo. El a acudi na e open dag di HOH y el a haya esaki hopi leuk. E ta aprecia e oportunidad mirando cu el haya un bunita experiencia y hopi informacion cu e por uza den futuro.

Jacco Vroegop, director general di HOH, a comenta cu meta di e open dag aki ta pa entusiasmo e muchanan pa scoge un profesion den e sector di cuida. Pero specialmente pa scoge pa un trabou den HOH cu, manera Vroegop mes a menciona,



ta e hospital di "mas leuk" den region.

Un open dag di e tipo aki por ta posibel danki na personanan dedica cu bini riba nan dianan liber pa bin trabou y splica e muchanan tocante kico nan trabou ta encera. Na final, Vroegop a gradici tur cu a bihsita HOH y e team cu haci e dianan aki posibel.



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Minister Dangui Oduber: **Kwaliteits Instituut Aruba y compania Prelum ta bay traha riba innovacion pa percura den e mehoracion di calidad di cuido**

Diaranson ultimo tabata un dia historico pa Aruba caminda DVG a traves di nan departamento di Kwaliteitsinstituut a firma un “letter of intent” cu e compania Prelum di Hulanda.

E acuerdo aki ta pa facilita e dokternan di cas y otro gruponan cu ta forma parti di e prome linea di cuido na Aruba. Pa mantene nan conocimiento di e materia y haya nan acreditacionnan necesario pa nan registracion como dokter di cas. E compania Prelum lo ta trahando hopi di cerca cu e Kwaliteits Instituut Aruba. Un paso hopi importante den mehoracion di e prome linea di cuido aki na Aruba.

Cu e acuerdo aki dokternan di cas por bay haci uzo di e E-plataforma di Prelum cu lo wordo diseña specialmente pa Aruba. Nan por sigui cursonan medico via e plataforma cu ta un e-learning, es decir via un forma digital. Di e manera aki



nos dokternan ta keda den actualisacion di tur novedad den e mundo medico y ricibi tur nan acreditacionnan necesario. Segun Minister Oduber e acuerdo lo contribui pa e dokternan traha na un manera mas eficiente y ta pas den e vision di ministerio pa stimula innovacion, pa asina aumenta e eficiencia y calidad den cuido.

E ta algo hopi importante cu a logra pa nos dokternan di cas cu lo contribui grandemente na reduccion di gastonan y mehoracion di e calidad di cuido cu ta ser brinda na nos comunidad. E plataforma aki lo ta un cuminsamento pa e tipo di e-learning aki e lo por wordo expande den futuro pa otro grupo di cuido medico, e mandatario ta finalisa bisando.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Minister Thijsen a bishita Embahador di Italia Giorgio Novello

Den Haag – Recientemente Minister Plenipotenciario mr. Ady Thijsen a haci un bishita di cortesía na e Embahador di Italia na Hulanda, Giorgio Novello.

Durante di e combersacion minister Thijsen a duna Embahador Novello un bista di e situacion di Aruba na e momento aki despues di e pandemia di Covid. Cu Aruba riba e tereno di turismo a recupera hopi lihe y e cifranan ta yegando na e nivel prome cu Covid. Tambe cu e pandemia a mostra cu Aruba mester diversifica su economia y cu Aruba ta sondeando posibilidad pa esaki. Principalmente riba e tereno di hidrogeno tin contactonan cu Hydrogen Valley na Groningen. Un eventual planta hidrogeno por bin na e tereno unda awor tin e refineria y cu por crece y bira lider riba e tereno aki pa e region Caribense. E proyecto di Hydrogen Valley por conta cu hopi sosten financiero for di fondonan di Union Europeo.

Minister Thijsen a sigui bisa cu e pandemia tambe a mostra cu Aruba ta hopi dependiente riba importacion di fruta y berdura. P'esey Aruba ta en busca di maneranan pa amplia e sector di agricultura pa e mercado local pero tambe pa e hotelnan. Un aspecto particular cu Minister Thijsen a menciona, ta cu tin personanan na Aruba cu ta produci biña for di fruta local. Den e caso aki lo ta bon pa mira manera cu e personanan aki por bay Italia – cu ta conoci como un pais di biña – pa por siña mas tocante produccion di biña. Embahador Novello a encanta e idea aki y a bisa cu di su parti e lo bay mira kico ta posibel cu e personanan aki por sigui un tipo di seminario di biña na regionnan di Italia cu ta conoci pa nan biña. Un iniciativa cu sigur por yuda e sector aki na Aruba.

Siguiientemente Embahador Novello a bisa cu - mirando cu e ta Embahador pa henter Reino Hulandes – e lo tin plan pa bishita Aruba na luna di october di e aña aki. E bishita aki pa mira y siña mas di Aruba. Un parti particular di su bishita na Aruba ta su interes na e situacion di personanan cu un limitacion. Esaki mirando cu Embahador Novello mes ta den un “scoot mobiel”. Prome cu su bishita pa Aruba, Embahador Novello a bisa Minister Thijsen cu e ta desea pa Aruba tene un presentacion na e Instituto Cultural di Italia na Amsterdam.

Otro tema cu Minister Thijsen a papia cu emba-



hador Novello ta e posibilidad di tene un conferencia di Embahadornan na Aruba. Embahador Novello a haya esaki un bon plan y a bisa cu lo mester forma un grupo di 4 of 5 embahador pa pusha e proyecto aki y convence e otro embahadornan e balor adicional di un conferencia aki na Aruba.

Finalmente Minister Thijsen a gradici Embahador Novello pa e bunita recepcion y cu e cooperacion brinda, principalmente riba e tereno di biña

Potret cortesía di Arubahuis

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT

LOCATED AT BUCUTI & TARA BEACH RESORT

RESERVATIONS REQUIRED

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

\$24.50

SERVICE CHARGE INCLUDED

Advance Human Resources a celebra 20 año!



75.- FLORIN

@FaithFootCareByVivianna

BIAB MANI & GEL PEDI

- Regular Pedicure 35 Awg
- Gel Pedicure 45 Awg
- BIAB Manicure 45 Awg

BOOK NOW

+297 6303058

SABANA GRANDI- SANTA CRUZ

Lunch MENU

Dialuna: BAM!

Diamars: SERA

Diaranson: LASAGNA

Diahuebs: SERA/DIA DI REY

Diabierna: CARNI MECHADA

Jungle Café

(297)- 731-1224

Open Mo, Wed, Thu, Fri & Sat 8 AM - 3PM
Sundays 9 AM - 2 PM
Closed on Tuesdays

Pa nan celebracion di 20 año, Advance HRS a organisa un seminario riba e topico di 'nabegando e mercado laboral cu ta cambiando' cu un celebracion como clausura hunto cu su partner- y clientenan.

Durante un atardi informativo na Hilton Aruba Caribbean, a comparti informacion riba datonan actual di e mercado laboral na Aruba, a duna tipnan y informacion con pa maneha e mercado laboral riba maneranan diferente y innovativo y tambe a papia riba e topico di 'employer branding'.

Como guest speakers a wordo invita Martijn Balkestein, Executive Director di KVK, Nataly Simmons, Chief Transformation Officer di Aruba Bank y Brian Stedeford, Chief Executive Officer di De Palm Tours.

Durante e seminario tawata tin tambe un 'panel discussion' pa elabora y comparti pensamento riba e diferente topiconan.

Como parti di e panel a participa Melanie Croes, Manager Advisory & Assurance, Mayren Heeringa, HR Manager y Ryon Dijkhoff, Manager Advisory & Assurance. Jan Noordzij, Managing Director di Advance Human Resources tawata moderador den un discusion sigur hopi informativo y interesante.

Pa cera e atardi, tur presente a wordo invita pa un cocktail hour celebrando e aniversario di Advance. Advance HRS ta gradici tur su partner- y clientenan di curason pa forma parti di e celebracion aki y ta para cla pa sigui brinda servicio profesional y di confiansa.

Celebracion

CONCIERTO BAILABEL DI DECADA 80 Y 90

E BOS DI LAS CHICAS DEL CAN
MIRIAM CRUZ
Y SU ORKESTA

TSUNAMI | MUSICAL TIME
DJ VIBES | DR ELI

7:00PM
2:00AM

APRIL
30
2023

BALASHI
ENTERTAINMENT
ARENA

TICKETS AVAILABLE AT
HAMAKA SIDE WALK | VICE VERSA | GALLO ROJO



Parlamentario Ricky Hoek (MEP):

Weganan Interinsular tabata exitoso



Diabierna atardi na Johan Cruyff Denzel Dumfries Court na Parke Jaburibari, tabata tin e apertura di weganan interinsular entre islanan ABC. Despues di 7 aña e weganan a keda reanuda y esaki a trece hopi alegria pa e muchanan, hobennan, scolnan, coachnan y e mayornan.

Na nivel di politica e tres gobernantenan respectivamente Diputado James Kroon di Boneiro, Minister Sithree Heydoorn di Corsou y Minister Endy Croes di Aruba conhuntamente a delibera pa organisa e weganan interinsular 2023.

Na luna di februari, Boneiro a organisa e inicio di e weganan interinsular cu algun deporte caminda e mucha- y hobennan di Corsou y Aruba a bay participa. Despues den luna di maart e weganan a keda organisa na Corsou. Awor na april Aruba tabata na turno pa a organisa e di tres parti/fase di e weganan interinsular.

E apertura tabata colorido y hopi bunita. Mas bunita ta pa wak con anima e scolnan tabata di por a participa na e weganan. E muchanan y hobennan a haci nan maximo esfuerzo pa a representa nan scol y mas ainda, nan isla. Un elogio grandi na e coachnan, e maestronan y e mayornan cu a sostene tur e mucha- y hobennan aki.

Cu e proyecto aki di e weganan interinsular, gobiernonan di Aruba, Boneiro y Corsou ta crea oportunidadnan deportivo cu ta na beneficio di e muchanan y hobennan. Participacion na deporte ta asocia cu: mehora teamwork, habilidad social, responsabilidad social, time management, disciplina, determinacion, y cualidadnan di liderazgo.

Un palabra di danki na gobierno di Boneiro, Corsou y Aruba. Tambe na IBISA y tur esnan cu a yuda cu ehecucion di e weganan interinsular. Pabien na tur e muchanan y hobennan cu nan participacion y premionan durante e actividad deportivo unico aki!



f TodomarAruba @TodomarAruba TodomarAruba +297 585 0555



Fortaleza Pa Famia

Mayor lanta ariba y cuida boso yiunan

NOS ta respeta tur hende cu por tin otro pensamento pero e berdad ta esaki; Famia ta un institucion den sociedad ordena pa Dios.

E homber lo bandona cas di su tata y mama y lo uni cu su esposa y nan lo ta un solo carni, (Genesis 2:24) y dentro di e matrimonio ey lo tuma luga relacion sexual, autorisa pa Dios, pasobra Palabra di Dios ta siña nos cu solamente homber y muhe a haya e mandato Dios pa bay y multiplica (Genesis 1:27+28).

Pa asina nan por yena e mundo cu hende, y den e fauna tambe tur animal y insecto, Dios a ordena macho y muhe pa asina nan tambe multiplica. Tur otro relacion sexual cu no ta formalisa door di un homber y un muhe no tin autorisacion di Dios. P'esey Bijbel ta siña nos cu esey ta abominacion. Nos tin den nos sociedad hopi mama soltero y hopi tata soltero, pero tur a yega na yiu door e sexualidad autorisa pa Dios entre homber y muhe.

Tin hopi hende cu a forma famia y ta biba cu otro, pero ta boluntad di Dios, pa nan contrae matrimonio, pasobra si un muhe of un homber ta bon pa biba cune, ta bon pa e pareha busca Cristo Hesus, casa cu otro y duna bon ehempel na nan yiunan y sociedad (Hebreonan 13:4).

E diabel, e colebra bieu, e gran mentiroso, ta doño di tur imitacion, e kier imita Dios, pero e no por imita Dios pasobra Dios ta soberano y Dios ta creador di tur cos, y diabel no por crea nada. Pero mundialmente e a logra di gaña y ciega miyones di hende y cu aprobacion di nan gobierno, pa acepta imitacion di matrimonio pero no por multiplica, pasobra e no ta autorisa pa Dios.

E diabel a logra bruha mente científiconan y esnan den tecnologia avansa, pa nan bay imita creacion di Dios, pero nan no ta bay logra pasobra Dios su creacion ta perfecto.

Pakico mayor mester cuida nan yiunan?

Wak bon rond di nos, y observa con e traficacion pisa di Droga y Ilegalidad ta aumente den nos awanan teritorial y tambe den awanan internacional rond di nos.

Esey ta nifica cu e demanda riba nos isla ta grandi, of e trampolin di transporte di droga (Drughub) via di nos isla pa otro destinacion a crece y un caminda tin un porta habri.

Corda bon cu ningun ladron ta horta den un cas bashi. Mayor cuida bo yiu.

E aumento drastico di tur tipo di pornografia, perversidad, inmoralidad, cu bo por haya riba cualkier telefon, awendia ta devastador. Malvadonan /inmoral kier impone nan forma di biba riba mucha chikito y hobennan, bao di e capa di informacion. Mayor cuida bo yiu.

Leynan ta pasando rond mundo, den cual muchanan por tuma decision riba nan mes, entre otro pa cambia sexo, (transgender) sin consulta cu mayor, y pa tene relacion cu esun cu nan kier for di 12 año. Ta na caminda pildora pa Abortus, (e t'ey caba) pa wordo bendi publicamente, djis pensa cuanto desaster e cos ey lo bay haci riba mundo.

Ta na caminda eutanasia tanto pa hubentud y pa mucha bao di 10 año.

Hunto cu tur e avancen den droga y alcohol cu ta knockout hende, y ta p'esey tin tanto accidente y morto pasobra hende no sa kico nan ta uza ni tampoco bebe. Mayor cuida bo yiu .

Proverbionan 19:18 ta papia fuerte cu mayornan bisando: Disciplina bo yiu mientras cu tin speransa ainda y no desea su morto.

Ta tempo pa tur hogar tin Cristo Hesus como Señor y Salvador.

Sinceramente, Pastor Marcel Balootje

WHEN YOU
GO THROUGH
DEEP WATERS,
I WILL BE WITH YOU.
ISAIAH 43:2

So why should
I fear the future?
FOR YOUR
GOODNESS
and Love
pursue me all the
days of my
LIFE.

PSALM 23:6 T&T

@JENESSAWAIT



Aurora
Royal Pray
Funeral Home & Crematory

Señor ta mi wardador, mi no tin falta di nada
Den cunucu di yerba berde, e ta ponemi sosega
Psalmo 23 vers. 1 y 2

A Fayece:

Kathleen Raquel Gomes

Na edad di 54 aña
27 di Maart 1969 † 18 April 2023

Na number di:

Su mayornan:

†Njooklin Gomes Lie Kwie & †Jerry Gomes

Su pareha:

Clifford W. Browne

Su yiunan:

Jennyray M. Ras
Brigitte F. Ras y Anfernee Flanders

Su princesnan (nietanan):

Melleny S.R. Ras
Milaine E. Ras

Ruman:

Andy Gomes y esposa Debby Gomes- Henriquez

Sobrina(o)nan:

Kaydee Gomes
Chrissy-Ann y esposo Tristan Vermeulen- Gomes

Tantan, omonan, primo(a)nan na Hulanda,
Surinam y Aruba

Demas famianan: Gomes, Ras, Lie Kwie, Chin-A-
Fat, Tjin-Kam-Jet, Tjuk-Tjauw-Tjin, Theunissen, Fong
Tin Joen, Fraser, Djodjosoetirto, Lobo, Wong A
Foe

Ta invita tur amigo y conocirnan pa asisti na
e anochi di condolencia cual lo tuma lugar
diaranson 26 di April 2023 di 7or pm pa 9or pm
na Pray Funeral Home Aruba (San Nicolas).

E entiero lo tuma lugar **Diabierna 28 di April 2023**
di 1or pm pa 4or pm Na misa Cristo Rey na Brazil.

Cremacion lo tuma lugar den seno familiar.

Nos ta lamenta cu despues di entiero nos no por
ricibi bishita di condolencia na cas.



Aurora
Royal Pray
Funeral Home & Crematory

"Señor ta mi wardador,
mi'n tin falta di nada
Den cunucu di yerba berde e
ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Cu inmenso dolor y tristesa na nos curazon,
pero conforme cu e voluntad di Dios, nos ta
anuncia fayecimento di nos tata, (bisa)welo,
ruman y omo.

Alicio Quandt

Miho conoci como "Chep"
*15-08-1938 – †20-04-2023

Na number di su:

Mayornan:

†Ismael Quandt (Charro) y
†Juanita Sevinger (Duchi)

Mama di su yiunan:

Lidia Cornelie
Mathilda Maduro

Yiunan:

Dino y Ching Quandt y famia
David Alexander Quandt y famia

Nietonan:

Sheejna Quandt y Rolfh Frolijk y famia
Jedric Quandt
Beau Nathaniel Quandt

Bisanietonan:

Ruby y Shale Frolijk

Rumannan:

†Federico Quandt y famia
†Maria Anacelia Quandt y famia
†Johens y Fanny Quandt y famia
Victor Quandt y famia

Subrinonan:

Carlos y Maribel Nadal y famia, Maria Theresa
Quandt y famia, Soledad y Pedro Quandt y
famia, Junior Quandt y Sabine Montesant
y famia, Liliana Quandt y JJ Tromp y famia,
Rina y Elpidio Mejia y famia, Lawrence y Delvis
Quandt y famia, Shannon y Margaret Quandt
y famia, Romar y Nine Quandt y famia, Francis
y Melissa Quandt y famia, Edward Quandt y
famia

Famia, amigo y conocirnan:

Famia Quandt, Sevinger, Cornelie, Maduro,
Frolijk, Todd, Boye, Campbell, Hoek, Gomez,
Ridderstap, Vos, Brion, Chirino, Mackay,
Dennert, Jansen, Nadal, Montesant, Tromp,
Mejia, Antonette, Richard, Timmer, Bermudes,
Palm, Smolders

primo(-a), amigo(-a), bisinja, ex-coleganan di
Astec y UPA y conocirnan cu ta mucho hopi
pa menciona.

Disculpa cu den ora di nos tristeza no a
specifica un number of fam.

Ta invita tur famia, amigo y conocirnan pa
e ceremonia di despedida cu lo tuma lugar
diasabra 29 di april 2023, di 7 pa 9pm, na
Aurora Funeral Home.

Trata otro na e manera bo ke pa
otro nan tratabo. Ta sigur semper
ku tur loke sali for di bo boka ta
kosnan agradabel i amabel.

RayMar
Quotes



"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa". - Salmo: 23

Cu inmenso tristesa na nos curason, nos ta participa fayecimento di:

Mario Lugo

Mihor conoci como: "Mai"
*12 september 1945 - †19 april 2023

Mayornan:
†Arbolina Paesch y †Adan de Jesus Lugo

Na number di su:
Yiunan:
Michael Croes y famia
Sharin y Abelo Cabral de Andrade y famia

Nieto y nietanan:
Ayscheline Jansen y famia
Esmeralda Croes
Ricardo Croes y famia
Corien Croes y famia
Shabela Cabral de Andrade y Edson Thiel y famia
Abelo Jr Cabral de Andrade y Mitylene Tromp
Sharibel Cabral de Andrade

Rumannan:
Armando y Fermina Lugo y famia
Maria y Juan Wernet y famia
Martin Lugo
†Efrain Lugo
Juan Paesch
Damasco Paesch
Vicky Paesch y Fernando Figaroa y famia

Mescos cu ruman: Angelberta Croes y famia

Sobrino y sobrinanan:
Marlene Wernet y Laiyoni Werleman y famia
†Francis y Elizette Wernet y famia
Lilian Wernet
Fernandito y Suehen Figaroa y famia
Edward Figaroa y Micheline Remy y famia

Bisanieto y bisanietanan, swa y cuñanan, primo y primanan, amigonan di cas, bisiña y conocirnan y demas famia na Aruba y Venezuela.

Famia:
Lugo, Paesch, Croes, Cabral de Andrade, Thiel, Tromp, Petrochi, Werleman, Jansen, Danje, Ras, Wernet, Figaroa, Geerman, Segura, Erasmus, Morel, Pourier, Remy, Koolman, Marin, Lampe.

Ta invita pa acto di condolencia y entierro cual lo tuma lugar **Diaranson 26 April 2023**, for di 2or pa 4or di atardi, na Aurora Funeral Home y despues lo sali pa Santana Catolico Kranwinkel na Paradera.

Nos ta lamenta cu despues di entierro nos no por ricibi bishita di condolencia na cas.

Nos disculpa si den nos tristesa nos por a lubida algun famia, amigo of conocir.



Bo a kambia mi luto na baile,
Bo a kita mi paña di rou,
kaba bo a bisti mi di fiesta.
Salmonan 30:11

Cu inmenso dolor na nos curazon pero conforme cu boluntad di Dios nos kier anuncia fayecimento di:

Yolanda Jansen Croes

mihor conoci como:
"Yol" of "Oma cabeï cora"
*08-03-1938 †21-04-2023

Na number di su:
Casa: Tirso Jansen

Yiunan:
Naomie Ponson & Byron Holsman
Janine Ponson
Cheryl Adamus

Nieto(a)nan:
David & Angelique Dania
Daphne Wouters
Kadhir Lourens & Lin Braams
Nabila Lourens & Ashley Tromp
Shaelly Ras
Randon Koolman & Devin de Veer
Shayna Koolman

Bisanieto(a)nan:
Iceik, Iziandra, Ivy-ëllly, Kayno, Finley

Rumannan:
Arturo "Tuyo" Croes
Jose-Francisco "Pancho" Croes

Cuña: Elvia Croes

Yiunan di su casa:
Giovanni Jansen y famia
Naishel Jansen
Giovonne Jansen
Aishela Jansen
Mazzarella Jansen
Marielys Jansen


Subrino(a)nan:
Eddie
Viveca, Armando, Bianca, Alexander
Miriam, Johannes, Yvonne
Blanca, Joselin
Ghislaine, Naomi, Jeremy, Derrick

Primanan mas yega: Sandra y Sarina
Amigonan di cas: Luz, Ina, Randolph

Y demas prima y primonan, comer y compernan

Kier a invita tur amigo, bisiña y conocir pa asisti na e acto di entierro cual lo tuma lugar **diaranson 26 di april 2023** di 2or pa 4or di atardi na Misa Santa Theresita na San Nicolaas y sigi pa cremcion den seno familiar.

Oportunidad pa condolencia lo ta diamars 25 di April 2023 di 6or di atardi pa 8or di anochi na Pray Funeral Home na San Nicolaas.



Den nomber di su esposa, mayornan, rumannan y demas famia kier a gradici thqur esnan cu si un manera of otro a mustra nan atencion durante fayesimento y intiero di nos defunto stima:

Sr. Cedrick Derrick Boekhoudt

Mihor conoci como "Dumbo"

Gradicimento tambe ta bai na tur cu a manda flor, krans, telegram, jamadanan, mensahe nan via whatsapp, facebook y messenger.
Danki special na tur famia amigo/a bisiña y conocirnan y cu tabata presente na momentonan difcil aki boso a mustra atencion y tabata un gran consuelo pa nos. Gradicimento grandi ta bai pa Jenny Boekhoudt cu a papia mc na Web aruba y na misa. Gradicimento ta bai tambe pa staff y personal di web atuba nv, colega nan y amigo nan di Flying Kiki Racing team.

Alavez nos ta invita tur famia bisiña, amigo/a y conocirnan pa compaña nos na e Santo Sacrificio di misa dia:
Diahuebs 27 di April 2023 na misa Santa Filomena na Paradera pa 9 or di mainta.

Diahuebs 27 april 2023 lo tin un Rosario y Orashon na cas Koeriboeri# 05 di 7or pa 9 or di anochi.

Boso presencia lo ta altamente aprecia.



"Senor ta mi wardador, pues lo mi no tin falta di nada. Den cunucu du yerba berde e ta pone mi sosega" - Salmo 23:1

Cu honda pena pero conforme cu boluntad di Dios, ta anuncia cu a fayese cristianamente:

Rita Werleman – Winterdaal

*30-05-1943 - †24-04-2023

Mayornan: †Teofilo (Beto) y †Ida Winterdaal
Esposo: †Alex Werleman
Yiu: Glenda y Armando Kelly
Nieto: Jeanmichel

Rumannan:
†Simona y †Dufi Rasmijn y famia
†Maria y †Poly Kelly y famia
Luisa y †Chido Feliciano y famia
Lucia Winterdaal
Olga y †Lee Franken y famia
†Ale Winterdaal
†Felis Winterdaal

Sobrinonan y Sobrinanan
Sobrinonan y Sobrinanan di †Alex
Demas famianan, bisinjanan y conocirnan.

Acto di entierro lo tuma lugar diabierna **28 di april** na Misa Inmaculada Concepcion na Santa Cruz y despues pa Santana Catolico na Santa Cruz. E resto mortal lo ta reposa di 2'or pa 4'or den Misa.

Ta lamenta cu despues di entierro lo no ricibi bishita di condolencia na cas.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com